

清清淨淨祥雲腳九竅內往來交錯誰知妙用緣無作自然理
鍊成丹藥 驪龍吐出神珠爍現萬道霞光罩卻虛堂聖徹添
光灼蓬萊路有些期約

楊柳枝

贈趙道濟

日裏金雞叫一聲夢初驚清風枕上有餘清酒初醒 霧捲雲
收天似水月初明虛堂寂寂絕塵情性初平

寄四鄉先生

楊柳枝詞掃一篇寄誰邊一于一郝二劉仙訴些言 好與邱
劉譚馬子共搜玄九還七返行功全去朝元

道藏輯要

漸悟集

三

胃集七

贈雲中子蘇鉉

猛棄榮華兒女妻悟玄機騰騰兀兀任無爲做憨癡 雲水不
遊芳草徑內行持功成行滿獨何之赴瑤池

漁家傲

自覺

夢見嬌妻稱是母又逢愛妾還稱女因爲前生心不悟心不悟
改換頭面爲夫婦 從此山侗常恐懼那堪更得風仙度決要
淨清清淨做清淨做紫芝彼岸通玄路

七十光陰能幾日大都二萬五千日過了一日無一日無一日
看看身似西山日 不做修行虛度日悟來豈肯經終日幹運

洞天眞月日眞月日蟾宮裏面擎紅日

贈孫姑

奉勸孫姑修大道時時只把心田掃殺了三尸并六耗無煩惱
常清常淨知玄奧 休問異名爐與竈沖和上下通顛倒鉛汞
自然成至寶非常好霞光簇捧歸蓬島

贈眾師兄

奉勸同流聽子細斷葷戒酒全容易不戀浮財渾小事深可畏
輕輕觸著無明起 大抵色心難拚棄筭來斷制須由你便把
如讎如活鬼宜遠離至於夢寐須迴避

又

道藏輯要

漸悟集

四

胃集七

叮囑庖人常作善慇懃供養人休倦莫把煎湯傾地面攤涼冷
恐傷蟲蟻行方便 日用柴薪菹米麵無拋無撒無奢儉內外
淨清忘俗念眞堪羨將來決得居仙院

又

牛駕重車逢惡路柰人不顧艱難處加力用鞭鞭不住鞭不住
牛兒忽作人言語 你爲養家子受苦我今憐汝須詞訴你若
今生心不悟心不悟我身便是將來汝

柳梢青

和古詞韻 二首

悟箇不生不滅更不肯拈花摘葉忻則高歌醉眠芳草夢遊仙